

- Talia Fama loquens dum sic clamaret ubique,
 Orruit ipsa sibi tenuesque refugit in auras.
 125 Ergo tuis tantisque malis narranda per evum
 Scire velim, quis in arma Deus, quis Syrius ardor,
 Scorpio, Saturnus, que Martis prodiga virtus
 Seu furor infernus Stigiaque palude vaporans
 Eumenis evomuit tot bella, tot arma, tot hostes,
 130 Tot scelerum segetes, tot retia demoniorum?
 Totne Megera viros vomuit, tot gurgues abyssi
 Ructavit populos? Dic tu tot millibus unam
 Strata malis causam, si verum conscia nosti.

URBS.

- Heu nimium tibi vera loquar. Non Syrius ardor,
 135 Scorpius aut aries, non Mars nec avara supremi
 Stella senis, set iusta mei sententia patris,
 Quem nimis offendi, tottot dedit arma furori.
 Urbs ego nam fueram multis clarissima seclis.
 Pallade, Marte, viris, opibus nimis alta ferebar.
 140 Ortus et occasus, mare, flumina, sexus uterque,
 Omnia laude meum tulerant ad sydera nomen.
 Heu michi, quam varias variat sors leta figuras,
 Quam lete segeti dedit hec pinguedo ruinam!
 Ecce superba tumens, gradiens cervice supina,
 145 Alta superciliis, potui nescire quid essem.
 Nam male cauta tamen tam splendida munera patris
 Post mea terga dedi, vitiis quoque colla subegi.
 Sanguis, adulterium, periuria, fama, rapine,
 Hec sunt, que Domino tantis ingrata rependi.
 150 At pater et dominus miserandus, blandus et asper,
 Quique bipennifero grave fulgorat ore superbis,
 Patre tamen melior, domino moderator omni,
 Iudicii parcus, venie largissimus hosti,
 Tartareos ignes levibus dum pensat habenis,
 155 Me prius indomitam manibus conclusit iniquis.
 Hinc puto quod Dominus permisit sceptrā tyranno.
 Non ego cognovi: sic penas denique solvo,
 Ipse nec agnovit, quod et esset virga furoris.
 Virga furoris erat: baculi tamen arsit in ira
 160 Excedensque modum plus iusto perstitit Assur.
 O quam dira lues, quam diro crine cometa
 129 'evonuit' Hs. 144 'timens' Hs. 158 Viell. 'Ipsa nec
 agnovi'. W.

124 Aen. V, 861 'tenues se sustulit . . ad auras'. 128 Aen. VI, 323
 'Stygiamque paludem'. 134 Aen. IV, 657 'heu nimium'. 141 Ecl.
 IX, 27 'tuum nomen . . ' 29 ' . . ferent ad sidera'. 143 Georg. I, 1
 'laetas segetes'. 160 Luc. Phars. II, 142 'Excessit medicina modum'.
 161 Georg. I, 488 'diri totiens arsere cometae'.